




牧民新書
五

73
5106
5

五十二



門 7 係 8
號 5/06
卷 125



牧民心書卷之十七



泃水 丁 鏞 著

穀簿三

凶年停退之澤宜均布萬民不可使通吏專受也

歲事大饑本縣又八下等尤甚 明知今冬必有停退

之令牧宜先期默運以圖惠民 諸鄉諸里之中其被

災尤甚者牧所知也秋分之日牧廣諭諸鄉令抄出一

鄉之中貧窮迫死無以納糧者別為成冊 假如本縣

應八四分一停退而其春領之穀恰為萬石則二千五

百石必在停退中矣於是諸鄉貧窮之戶該納之穀抄

取二千五百石條列成冊以待 朝令 十月開倉之
初以此成冊頒于諸里諭之曰本里貧窮戶該納還穀
二十石也假令其中十石俵俸或八俸退之中以此糶於
望其中十石斯速辦備留之里中以待官令 朝令既
到即日俵停如俵災之法官吏所通雖一石不可停也
俵停成冊宜作三件一備官覽一備吏考其一頒于本
村日後或有蕩減之令以茲憑考
厥明年歲事稍登俸退之穀並行追徵則民之苦毒甚
於凶年所謂生不如死豐不如凶也牧遇此年宜柔婉
為政如大病之餘調護元氣方可曰良牧也

糶

張居正請蠲積逋疏曰所謂帶徵者將累年拖欠搭配
分數與見年錢糧一併催徵也夫百姓一年所入僅足
供當年之數不幸遇荒父母凍餓妻子流離見年錢糧
尚不能辦豈復有餘力完累歲之積逋哉
梅摯通判蘇州二浙餓官貸種食已而督償之甚急初
摯上言賑民所以為惠也反撓民不便因下其奏諸州
悉得緩期償之

李聲巖賢輔為榮川郡守郡舊多逋欠公至善措置且
節費逾年已盈本數乃取其積久難徵者悉焚其券
黃星州俊良牧星州前政逋負公能節縮補填數充則

焚其券○權正即穆為咸興判官有官積糶逋累千斛君積儲逋租充滿悉燒其券

丁監司彥璜為安東府使州有積年逋負上司每歲催督而無處可徵為一道巨弊公即論報監司得以轉

啓上特許蕩滌其他官穀之貪殘難納侵及其族者又數百石公節費措辦以充數焚券又為淮陽府使盡

將前政逋負節縮填補充其數而焚其券吏民歡悅案此皆民逋也吏逋焚券無文可考

李修撫行原為靈巖郡守逋租虛簿至七千公力申睿省悉蠲之 金判書世廉為嶺南觀察使北邊逋欠積

久流來公多收郡縣粟不入會計者又出營儲萬一千六百石以償之其餘驛聞悉除之

吏逋不可不發徵逋不可太酷執法宜嚴峻慮囚宜哀矜凡徵逋之法先查犯人財產其田宅牛馬衣服器用之

等悉行籍收然後乃議其他○犯人之為倉吏也其首吏為誰誣薦之罪不可逃也乃召厥吏諭之曰汝既誣

薦其風債百兩受首吏差任例理應還納汝欲勿納彼

犯人財產之隱匿在他者汝其探告○其探告者多則風債略宜減徵其不然者全徵之○犯人入廳例有

廳禮三十兩乎五十兩乎全徵之○倉監與犯人同年

行公者徵什一○翌年倉監匿不以告者徵三十之一
○犯人違任之年其交代之吏隱匿不告受其傳掌不
可無罪其家貧者徵什一其家貧者徵四分之一不
又厥明年受其虛錄之傳者亦如之○犯人負逋以來
李某金某身為吏房不以實告官早其發奸明係朋
比其家貧者徵什一不貧者徵五分之一○犯人典
倉之年其書害同事者明係朋奸隨犯輕重或徵什
一○猶有不足者又行廳徵之法吏廳諸負七八十人
隨其貧富出錢有差○犯人以官妓作姦淫奢放蕩
致此逋欠者

其田宅兇四並行籍收與正妻同○犯人平日為馬弔
戲出頭錢張三獲此錢八十兩李四獲此錢六十兩其
房主設饌騙貨受局價五十兩並全徵之○乃召犯人
首族令抄錄諸族之在邑內者其貧者拔之其不貧者
量其勢力攤徵有差○發於秋冬者以穀受之發於春
夏者以錢受之○其以錢受之者查得犯人姍姍族戚
之居在外村者一從秋直平均分給今待秋納穀○又
召犯人問之曰汝於典倉之年外村豪民之出入邑中
者與汝相議養戶防結匪還執錢者凡有幾人其悉告
之乃以餘錢一從秋直分給此人今待秋納穀

頂有去
末文字

乃可信也不然以懲其明奸之罪○按此徵逋之法先
或係誣引○
責僚吏乃徵其族然且邑族則徵錢村族則頒錢有若
偏厚於村民者非惡吏而私於民也其在公理有必宜
然者二端一是罪通一是財復罪通者何也官吏作奸
其僚吏無不知者朋奸濟惡互相庇陰七藤八葛互相
纏結揆以公理宜與通罪彼疎族之居在外村者奚罪
焉財復者何也官吏蕩產雖以陶掎之富一朝變為寒
乞不足恤也筆雲墨雨龍騰虎變不出數年依舊作一
條豪吏村祇以意外之厄賣一兒犢遂成大病終身不
蘇牧為民父母當一視吏民皆如己子我有兒兩其一

有材幹能三致千金其一素戾拙將一敗不興則凡有
責歛先彼乎先此乎此皆一視之仁非有私也●近年
吏逋皆以半價之錢勒配民戶使之待秋納穀大非理
也宜以此錢分授疎族之居村者使之作穀猶有名也
凡村居者若非至親雖有富名不可自徵也
凡徵逋之法厥有二忌一忌外村疎族之誣引凡非族
而誣引者宜於本罪之外先治此罪首族亦宜決罰凡
居在外村者非期功之親及妻父妻兄姊妹之夫女婿
甥姪之等切不可侵○一忌差任以收逋吏任雖賤此
係賞之罰大權罪犯至重反蒙差任是勸人以為惡也

切不可許或其近族有奉職恪勤者差以腴稟令以數百兩錢補此逋欠抑所宜也○吏逋至數千石者大賊也了逋之後宜即行遣流三千里仍以勿復收用嚴受諸吏之招揚板于吏廳

每四季磨勘之還其田草成帖者詳認事理不可委之於吏手

凡上司磨勘者是本縣該守之實數已領者幾石仍留者幾石將收者幾石知此實數嚴嚴典守則吏奸自不得恣肆矣○營吏作奸其實益廣每見年還開倉及秋還開倉之日列邑小吏齎錢數百兩赴營以至廩之價

買取還穀而回遂執外村該納之穀貯在村家待時糶賣或至四五百石年年為例此乃監司之所宜察非牧

火罪也隱結歲增者營吏賣之也

陳田還起者營吏受賂於縣吏許願於縣狀

穀簿日紊者營吏賣之也按道之臣方且以持大體三字為居官之要訣噫且奈何○金東儉屢為戶房裨將能知穀簿奸偽營吏縣吏不敢為欺罔之謀吏屬為火諺曰寧逢大歉毋遇東儉凡為監司者宜求如此之人以置幕中也

吏屬厥有秘訣若相盟詛者曰困而得之四字困而得之者何也結役煩重而歲增其率以困應稅之民則民

不堪困乃以高價防結此一舉而兩得也既食於防
還穀租惡而又竊其實分租而以困受還之民則民不
堪困乃以自給輸糧見半白法此一舉而兩得也既食於
半食於民者國之本也吏者民之蝕也焦灼此下民剝割
此下民使斯民如蚓在灰如鱗在沙既困既阨使自來
乞乃言曰民皆樂從即所謂困而得之也為民牧者盍
亦渡念

救荒 戶典五

荒政先王之所盡心牧民之才於斯可見荒政善而牧民
之能事畢矣

周禮大司徒以荒政十有二聚萬民一曰散利貸種二
曰薄征租輕稅三曰緩刑寬宥四曰弛力息繇五曰舍禁
去山澤之禁六曰去幾閑市不七曰省禮殺禮八曰
殺衰九曰蕃樂閑樂十曰多昏不備禮而十一曰
索鬼神十二曰除盜賊備輕則
倉人掌粟八之歲以待邦用有餘則歲之待凶而領之
刑此散○均人掌均地政凶禮則無力政無財賦不收地

守地職不均地政此薄○司市國凶荒禮喪則市無征

而作市亦薄○秋官士師凶荒則以荒穰之灋治之此

刑○司閼國凶札則無闕門之征猶幾議而不征○秋

官掌客凡禮賓客凶荒殺禮此青○天官膳夫大荒則

不舉大禮則不舉亦青○大司樂大禮大荒大裁大臣

死凡國之大憂令弛縣此蕃○鑪案此皆先王之禮也

牧欲行先王之道者遇荒年宜接而行之官結取贏均

敷民結政見田斯可曰散利也民庫雜徭蠲其可蠲縣全

斯可曰薄征也肉黃支醵簞槿不及斯可曰緩刑也

奴隸差遣念其勞費斯可曰弛力也私祭無牲巡歷不

論減其膳斯可曰昏禮也屏妓絕樂無敢戲豫斯可曰蕃

樂也市場無稅商旅湊集則司市之政也減膳薄食以

補賑濟則膳夫之義也孰謂古禮不可行於今乎

曲禮曰歲凶年穀不登君膳不祭肺馬不食穀馳道不

除祭事不縣大夫不食梁士飲酒不樂○鑪案牧於凶

年能食不兼味馬不食穀知禮者也

玉藻曰年不順成則天子素服乘素車食無樂君衣布搢

本士之闕梁不租不取山澤列而不賦列者屬土功不興

大夫不得造車馬○丘濬曰古昔帝王遇災必懼凡事皆加貶損

非獨憂民以之憂蓋亦以畏天之災也故周禮大荒則

不舉大禮則不舉舉者殺牲盛饌也豈但飲食為然所
 服之衣所乘之車凡百興作舉皆休息此無他軍民之
 分雖懸絕而實相資以相成也當此凶荒之時吾民嗷
 嗷然以待哺哺然以相視藝業者技無所用營運者貨
 無所售典質則富戶無錢舉貸則上戶無力魚蝦螺蚌
 採取已竭木皮草根剝掘又盡面無人色形如鬼魅扶
 老携幼宛轉以呼號力疾曳衰楊腹以呻吟氣息奄奄
 朝不保暮其垂於阨危瀕於死亡也如此為人上者何
 忍獨享其奉哉雖欲享之亦且食不可咽也
 春秋傳僖二十一年夏大旱公欲焚巫尪臧文仲曰非

早備也修城郭備鄰 貶食君不 省用務穡勸分此其務
 也杜預云勸分 有身相濟 ○鑪案中國勸分之法勸其糶貸非勸
 其白給也後世猶然古法可知吾東所謂勸分皆勒奪
 民者使之白給猶云勸分之法本之春秋不亦難乎
 穀梁子曰五穀不升為大饑一穀不升謂之饑不足 二
 穀不升謂之饑三穀不升謂之饑四穀不升謂之康康
 也五穀不升謂之大侵侵傷 大侵之禮君食不無味臺
 榭不塗飭未 弛侯射 廷道不除百官布而不制鬼神
 禘而不祀此大侵之禮也○鑪案先王之禮凶年別有
 法制凡為民牧者宜知此義

張橫渠嘉佑初為雲巖縣令歲歉惡米不繫家人將舂之先生並止之曰餓莩滿野雖蔬食且自愧又安忍有擇乎甚或咨嗟對案不食者數四○案此減膳之義也凡不安心於者君子不為

張忠定詠知杭州時歲饑民冒禁販鹽捕獲者數百人公悉寬其罰官屬執言不可公曰錢塘千萬家餓莩如此若鹽禁益嚴則聚而為盜患益甚矣俟秋成敢爾當痛繩之境內卒以無擾○富弼知青州河朔大水流民大至公皆廩之山林河泊之利有可取以為生者聽流民取之其主不得禁○按此舍禁之義也

宣祖當饑年嘗曰予之御供米日進六升云予平日所食甚少雖三升米不能盡食宜除三升米分送于賑廳

○英宗庚辰饑 上御興化門台流丐百餘人饋粥命取一器親嘗之○按此減膳之義也

救荒之政莫如乎預備其不預備者皆苟焉而已

呂祖謙大抵荒政先王有預備之政上也修李惺之曰政次也所蓄積有可均處使之流通移民移粟又次也咸為焉設糜粥最下也○預備者王政也一縣之令安得有預備雖然我既受君之赤子矣脫有凶荒將若之何一縣饑則鄰縣之粟可移也一路饑則諸路之粟

可移也若通國大饑如己巳甲戌之年則將若之何倉
廩空虛不可取粟於縣中列邑驚騷不可請粟於監司
惟有束手慌心立視其相顛連以死而已名為民牧不
亦醜顏凡物貴之徵賤賤之徵貴若屢豐之餘穀賤如
土牧宜以錢數千兩私糴穀數千石以待不虞若移秧
既畢大饑無慮因以糴之必有贏羨若其時佐猶賤汎
之江海糶之鄰境必有濟矣每見牧之在官如在逆旅
其俸廩之餘必急急輸京以授家客歸而索之鮮有全
者曷若在官賑糶以備凶荒秋熟則賑之於鄰境以補
民役歲餘則糶之於饑民以補賑資惟其本錢必無消

折之理公私兩便孰有大於是者乎○凡預備之政廢
有兩件一是賑穀一是徵逋賑穀當如上法徵逋又可
議也凡吏通宜於豐年發之賑賤之日盡收逋欠以實
倉廩其在法應留之穀皆克實額則雖有凶年何足憂

哉

穀簿之中別有賑穀本縣所儲有無虛實宜查驗
常賑穀者戶曹之賑穀也軍資穀者 列聖朝所嘗用
之於賑濟者也軍作米補運穀者本為賑濟而設置者
也交濟穀濟民穀蘇山穀者本為鄰省交濟而設置者
也監司之所備荒名之曰營賑穀守令之所備荒或稱

私備穀或稱自備或稱私賑穀今值大饑胡不用矣但其分留實數逋欠多少苟不查驗必有咎責若本既虛留而上司劃給同於實存將若之何不可不先察也

經國大典諸鎮煮鹽採海菜具數報觀察使○諸邑令民歲備救荒之物○臣謹案國初預備賑資之法如此今良法盡廢不知何故

贖大典各邑賑穀每年隨力備儲全不舉行者論罰○託以備穀勸分民間者嚴禁○通編云以戶兵曹應納麻布棉布搜米三南名曰軍作米以時收放備荒備邊司勾

管○臣謹按列聖朝預備賑資之法如此○今南方郡縣軍作米非不多矣皆作吏逋一遇凶年唯知勸分而已豈不嗟哉

不俟朝令便宜發倉古之義也使臣之行也今之縣令則何敢焉

汲黯承詔往視河內還報曰家人失火屋比連燒不足憂也臣過河南貧人傷水旱萬餘家或父子相食臣謹以便宜持節發河南倉粟以賑貧民臣請伏矯制之罪上賢而釋之

韓韶為羸長流民入界韶開倉賑之主者爭執不可韶

曰活溝壑之人而以此伏罪當含笑入地矣漢桓帝時人
晉郭默為東郡太守值歲荒人饑開倉賑給乃舍都亭
自表待罪詔書褒歎比之汲黯

唐張須陁為齊郡丞屬歲饑開倉賑給官屬咸曰待詔
不可擅與須陁曰吾君以此獲罪死無所恨先開而後
上狀帝知之而不責○王恂出許州長史歲旱時假刺
史令開倉賑民即自劾玄宗赦之○李臯為溫州長史
歲歉有官粟數十萬斛臯欲行賑救祿吏乞候上旨臯曰
夫人日不再食當死安暇稟君命若救我一身活人數
千命利莫大焉於是開倉散之飛章自刻上嘉之

詩

負半千調武陽尉值歲旱勸令殷子良發粟賑民子良
不從及于良謁州半千悉發之下賴以濟刺史大怒囚
半千於獄會薛元起持節河南讓太守曰君有民不能
恤惠出一慰尚何罪也半千始得釋

范純仁知慶州餓莩滿路官無穀以賑恤公欲發常平
封樁粟濟之州郡皆欲俟奏公曰人七日不食即死何
可待報諸公但勿預吾寧欲坐死果有詔遣使按視民
謹曰公活我我安忍累公晝夜輪紉迨使者至已無所
負矣○彭誼知紹興府民告饑即發倉賑之或謂當上聞
否且得罪誼曰待請而發轉溝壑者多矣吾何愛一身

不以活萬命明年有秋民爭委輸不踰月而倉復盈○
李允則知潭州歲饑欲發官廩先賑而後奏運使難之
公請以家資為質乃得發廩詔書嘉獎之

馬少保知昇州行次九江屬歲旱民饑乃邀湖湘漕米
數十艘以賑之○洪皓為秀州錄事大水民饑會浙東
綱常平米過城下公遣吏鏐津柵告守使截留守噤不
肯曰此御筆所起也罪死不赦公曰民仰哺當至麥今
臘猶未盡中道而止則如勿抹寧以一身易十萬人命
訖留之廩訪使者王孝竭至見賑濟有法奏免其罪又
請得二萬石予之○按以守臣擅留漕船漕船猶得無

罪宋朝仁厚立國如有是矣

太宗十六年永吉道饑都巡問使曹洽請發倉賑貸
上曰賑濟救民之急也啓聞待命緩不及事自今臨時
賑恤

歲事既判亟赴監營以議移粟以議蠲租

蘇軾知杭州大旱饑疫公請于朝免本路上供米三之
一故米不翔貴明春即減價糶常平民遂免旱苦
孝宗二年春西路大疫分送藥物以管餉米凡萬二千
石賑之○十年移統營穀一萬石賑兩湖饑 闕西大
饑 上聞餓孺顛連為之泣下減常膳擇遣御史命便

宜活民蠲保軍米奴婢身貢○顯宗元年命蠲減咸鏡道蒼布之半忠清道收米一結減一斗○二年京畿春收米結減二斗○十一年命量減各殿香醞米運江都米三萬石發賣于京中以戶曹鹽鐵布割給全羅道充賑資停御營軍上番留其保米于諸道以賑之○十二年三月命留三南原襄黃海京畿田稅于本道以賑饑民

肅宗即位之年大饑命減身布之半軍保米應納十二斗者減二斗又減田稅大同有差○三年冬備局啓曰京畿嶺南湖西其被災尤甚者田稅並留本邑以為賑資待來秋還徵於本邑大同三手米減半諸軍門蒼布保米亦減半諸般身布及奴婢身貢各減有差其被災未甚者各減有差嶺南其被災尤甚者進上虎豹皮軍兕月課米其人價布濟用監正布並全減○七年北道饑六鎮各邑諸般身役應納田稅貢物及三色奴婢身貢並許全減其次安邊等九邑減其一半○闕西嶺東饑命五邑全減田稅及身役身貢還上收三分之一其餘邑蠲減有差○嶺東饑各殿朔膳限一年停止○八年全羅道饑蠲米布有差仍停朔膳○九年命減田稅每結三斗及三手量一斗二斗依湖南例以賑

廳米代給○二十五年 命全家死亡者田役身布糶穀累年未收者並蕩減因判府事柳尚運所達也

英宗十六年六月 命減今年田稅之米全蠲○臣謹

按 列聖朝每遇饑年其移粟賜粟蠲租蠲布之命史

不絕書今遇其大者畧舉百一凡為牧者或遇大饑宜

知故事乃有高量又宜函往監營以觀狀請冀蒙恩澤

不可蒙然慌恟自阻雨露也

賑恤事目云 肅宗己未以來 內下賑資戶曹銀一

千兩緡五十疋賑廳銀一千兩 肅宗八年 命胡椒

一百斗丹木一千斤白礬三百斤虎皮十領特下賑恤

廳以補賑需母木白礬之等○臣謹按此事遂為故

常 英宗正宗以至 當守皆繕述焉或胡椒蘇木母

木匱之則戶曹以本價下送矣

歲事既判宜飭水田岱為旱田早播他穀及秋申勸種麥

此所謂代播也代播之穀不過數種一曰黏粟秋粟也

粘二曰蕎麥三曰晚菽凡此三穀之穀宜於平年各

聚數百石以為不虞之備如不能然宜飭下民各圖私

蓄以為早備不可已也○已巳之夏歲事既判 朝令

勸耕蕎麥南徵數十邑都無蕎麥唯靈巖郡有蕎麥二

百餘斛監司令數邑分用數邑願民往移靈巖之民數

千人屯聚拒絕官不能禁皆悵然以反○甲戌之夏歲
事既判縣官勸種黏粟南徽十邑都無種子唯長興金
氏家有黏粟三百斗每一升受錢十五而糶之數日之
間得錢四五十貫四百五十兩論其本價不過三貫三十兩民
目見此事其後亦無蓄之者○凡代播之留預許免稅
然後民肯代播若此今不明雖勸不播

朱子在南康軍勸諭救荒帖云早禾已多損旱無可奈
何只得更將旱田多種蕎麥及大小麥接濟食用○李
時珍云蕎麥立秋前後下種八九月收刈性最畏霜○
中伏之日收下帖于諸鄉勸民代播其代播種子極力

求刺問可移則移之可取則取之與民偕作急急如救
焚拯溺時刻是爭不可緩也

朱子在南康軍諭種二麥帖云使軍累行勸諭耕種二
麥蓋為今年荒旱不比常年須是併力加工救濟性命
今訪聞多有未施工處顯是頑慢量行決罰先此曉諭
○再諭上戶帖云趁此土脈未乾高田堪種麥處一面
種麥○又勸諭諸縣帖云發下三縣趁時犁翻多種二
麥○鏞按朱子救荒之政專勸種麥榜諭帖移三令五
申誠以凶年民心隕靡望絕生活死在目前何慮乎未
年故種麥之說聽之藐藐牧宜誠心勸諭助其種子瞻

其牛糧務令多種不可忽也禮曰中秋乃勸種麥雖在
豐年本勸種也

鄰境有粟宜即私糶須有朝令乃毋過也

周禮大司徒大荒則令邦國通財通財者鄰國之交濟
也春秋葵丘之盟毋過糶居其一焉易曰有孚攴如富
以其鄰左手之牽右手救之右手之牽左手救之牽如
者鄰國之交濟也今人不知此義同作一國之臣而過
糶成風天下其有是乎此 朝廷之所宜戒也○歲事
既判收宜以公私錢布差人糶粟以行賑糶之法
俗謂
之貧
賣取其贏羨以補賑餼不可緩也

蘓耆克陝西轉運使景佑中洛陽大旱穀貴百姓飢殍
京東轉運司亦無以為賑洛陽留守移書求耆粟二十
萬斛遂移文陝府如數與之同職謂耆曰陝西沿邊之
地屯軍甚多若有餘者可移之以實邊郡奈何移之地
路耆曰天災流行春秋有恤鄰之義生民皆繫於君無
內外之別苟有饋運耆當自謀必不以此相累朝廷甚
嘉之

朱子乞禁過糶狀云本軍建昌縣管下二陂山田等處
四散收糶靖安新建縣鄉人米斛欲裝上船覩奉新縣
尉司方手五十餘人各持槍棒迨江巡緝不容裝發米

斛又被奉新縣差人越界釘斷建昌縣管下三陂潭德
交口陂水把截不放船隻上下往來請將奉新官吏按
劾仍道放米船○鑄案毋過糴者葵丘之盟詞也鄰國
之誼救災恤患其可以相過乎
吳遵路知通州時天下旱蝗遵路乘民未饑募富者得
錢幾萬貫分遣衙校航海糴米使勿價不增○胡大初
曰凶年宜以官錢貸米舖戶即米商往外郡販米出糴但
要有米可糴不可限其價直米纔輻輳價自廉平先君
宰金谿兩年值歉只行此策民用無飢
續大典諸道瀕海設倉儲穀遇艱道凶荒則轉輸救濟

羅里舖倉在全羅道臨陂縣以救濟卅三邑浦項倉在
慶尚道近日縣以救江原咸鏡二道交濟倉在咸鏡道
德源高原咸興三處以救江原慶尚道○通編云交濟
穀納于本倉勿許收留本邑擅留守令論罪 濟民倉
本在泗川羅州順天庇仁等地留元穀二萬石以五分
一耗分放近邑那移加分者用律依交濟倉例順天羅州濟
民倉今廢片穀○物收留各該邑臣謹案交濟者尚禮通財之義也○
羅里舖宜在靈巖之梨津浦今其穀布在南沿諸邑於
事倣便 臣以為交濟之法雖如此公穀有限不足以
尚洽守令私糴乃可濟也每遇饑年或其鄰省有年穀

稍登者自 朝廷下諭道臣令毋過鄰糴凡帶公移來者即許泊船販穀方可以普濟也

其在江海之口者須察邸店禁其橫暴使商船湊集

凶年商船泊於浦口店主船主牙郎執斗者操縱削價官

校邑吏侵漁作奸商賈聞拜回船遠遁此米價之所由貴也牧宜知此務悅商賈之心使之輻輳則有錢者得以交糴矣

趙清獻公於利越州兩浙旱蝗米價踴貴饑死相望諸州皆榜衢路禁人增米價公獨榜通衢令有米者增價糴之於是米商輻輳米價更賤 聚粟有二法一日遣

親信以賑外粟二曰增米價以來商賈如斯而已矣

朱子乞從便興販狀云出榜曉示米牙人不得減剋分文窘人自行出糴切慮州軍阻節致使窘族不通間有州軍妄以雜物為名倚取錢稅是致商賈不肯搬販欲望勻慈嚴行禁戢

朱子約束米牙帖云諸縣鄉村人戶搬米入市出糴多被米牙人兜攬拘截增撞價直用小升斗出糴贏落厚利遂致細民艱食情實害合行約束○朱子賑恤事件云尋常客人糴米必經由牙人方敢糴米常被邀阻多抽牙是致不肯住糴合嚴立榜賞庶得牙人不敢搗

擾○又曰客旅興販本軍不行收稅仍放免本船商船
也雜物稅錢招納米船住岸出糶○鑄案牙人者胆僮
之居中者船到浦口店主牙郎操束作奸或受賂於當
民務削米價或受賂於商客反令刁鐙每值荒年宜嚴
禁牙郎別遣忠信之人商定米價

牧民心書卷之十八

洵水 丁鏞 著

救荒二

中國勸分之法皆是勸糶不是勸餼皆是勸施不是勸納
皆是身先不是口說皆是賞勸不是威資令之勸分者非
禮之極也

曾鞏為通判歲飢度常平不足以賑給而田居野處之
人不能皆至城郭至者群聚有疾厲之虞前期諭屬縣
台富人使自實粟數總得十五萬石視常平價稍增以
予民民得從便受粟不出田里而食有餘粟價為平又

出錢粟五萬貸民為種糧農事賴以不乏○案此是勸
糶又其價視常平稍增特輕於時佑而已今之勸分者
必無價自奪抑何據也

趙閱道少保嘗知越州值歲大歉公台州之富民畢集
勸諭以振濟之義即自解腰間金帶置庭下於是施者
雲集所全活十數萬人陳克佐知壽州遭歲大饑公自
出米為糜以食饑者吏民皆爭出米其活數萬人公曰
吾豈以是私惠蓋以令舉人不若身先而使其從之樂
也○扈稱為梓州路轉運使屬歲饑道饑相望稱先出
糶米以賑民富家大族皆願以米輸官全活者數萬人

○案此三公皆以身先之以勸下民今之勸分者一文
之錢未或自捐唯民是勸不亦羞乎

韓魏公為益州安撫使檄劍門關流移而欲東者勿禁
賞民勸諭納粟後糶錢十六餘萬盡以給四等以下戶
為糶粥活飢人一百九十餘萬蜀人曰使者之來更生
我也○案韓魏公亦以勸賞分不以賞勸徒以威脅者
禦人之術也

宋孝宗隆興中中書門下省言湖南江西旱傷立賞格
以勸積粟之家凡出米賑濟係崇尚義風不與進納同
○丘濬曰鬻爵非國家義事用之救荒則是國家為民

無所利之也。宋人所謂崇尚義風，不與進納同是也。臣願遇歲凶，荒民間有積粟者，輸以賑濟，則定為等第，授以官秩，自遠而來，並計其路費，授官之後，給與璽書者，俾有司加禮優待，與見任同。雖有過犯，亦不追奪。如此則平寧之時，人爭積粟，荒歉之歲，民爭輸粟，是亦救荒之一策也。○案瓊山之說是也。己巳之饑，諭以賞格，勸民分粟，南原權昌彥士族也，輸粟數千石，罷賑之日，朝廷遂與相忘。後五年甲戌又大饑，朝廷始悔其失，信授以主簿，又勸分數千石，罷賑之日，又復相望。說者曰：此後又逢大饑，昌彥乃進其官。朝廷之無信如此。

志

何以勸民

朱子賑恤事件云：富家有米可糶者，幾家除口食支用，供贍地窖外，有米幾石可糶，開姓名米數。○在城上戶二十五名，其認賑糶米一萬一千六百三十五碩，每升價錢一十七文足。○星子縣上戶若干，每升價錢一十七文足。都昌縣上戶若干，每升價錢一十四文足。建昌縣上戶若干，每升價錢一十二文足。鑛案和糶勝於勸分，但其糶米之價，輕於時價，未可知也。三縣米價各自不同，或其所縣水縣時價有差也。朱子諭上戶借貸帖云：勸諭上戶春間將米穀等生放

下戶秋冬隨例收息每斗收息五升若秋成計本息還錢如有拖欠不還官為理索○鑄案吾東勸分之法皆令白給不惟白給乃是白納納不給民而是故令有所不行用有所不明中國之法其勸于富民也不過曰糶米賒米也糶米者稍輕其價使之發賣於飢民也賒米者約以取息使之借貸於飢民也官長之所勸者如此而民有不從者則嚴刑猛棍如治盜賊一遇凶年富民先困故南民有言曰生不如死富不如貧此虐政之大者也為牧者宜知之

朱子賑場事件云上戶張世享張邦獻劉師與黃澄四名依格賑濟上項四家之外未有出得上件米穀減半出糶之人乞將上戶承認賑糶米價止令量減四分之一便與依格推賞庶使上戶樂於就賞細民不致闕食○鑄案此條所謂賑糶亦無強勸之法始欲視時價減半今欲四分一量減皆不強勸之明驗也又從而賞之以官民有不樂從者乎

朱子賑場事件云乾道七年八月勸諭上戶賑糶濟格目無官人一千五百石補進義校尉二千石補進武校尉四千石補承信郎如係進士補五千石補承節郎係如

如係進士補

係如

進士補如 是賑糶依此減半推賞又準淳熙七年十月
八日指揮鄧文賑糶米於市價減半錢數即照已降指
揮追賞○鑄案約粟得官雖非古法自漢以來行之久
矣凶年饑歲發義施仁損財以活人者可無賞乎近來
守令自奪民財以行賑濟其末也一杯之酒未有致意
不已然乎

肅宗癸亥賑廳以譯官卞爾昌納米五十石請給加設
僉知帖政院及臺諫以為凡加設職只許士族事已有
定奪 上令該廳施以他賞賑廳堂上閱維重曰取考
辛丑下事目則察訪別坐判官僉正副正通禮正僉知

同知等加設實職並許謝恩封增一依正官例而通禮
正等職只許士族僉知同知毋論士族良人並許受帖
而良民則比士族加納十石此其區別定式者如屯
田別將軍門幹事之類以官穀官物取其羨餘補為自
備者固不當許給加設僉知同知而良民之以私財納
賑米者亦不許之則本廳他無論賞之事雖欲募粟誰
肯從之卞爾昌係是譯官加設僉知未為不可而李德
龍乃老除軍士也賞給同知帖濫矣左相閱尋重曰李
德龍果是軍士則父母及妻並許封贈誠為濫越只給
同知帖而不許封贈則似有差等矣右相金錫胄曰僉

知同知並許良民則非辛丑所新制丁丑己巳年間已
有此例為國納粟之人功勞既同乃以譯官軍兵有所
分別如騎步兵甲士之類乃世代良民國家待之亦優
譯官輩雖或乘馬衣冠夷考其來歷不及於擔負之軍
者甚多今若有所差等遂為定例則將來良民無復納
粟者李德龍依事目許其所當許者宜矣 上從之○
臣謹案中樞府者古之樞密院也同知僉知樞密院之
大夫也天地定分君為上夫夫次之士次之大夫之名
豈可以輕假之乎大夫之妻職曰夫人夫人者古者諸
侯之妃所得稱者也今令走卒賤流權差樞密院大夫

封其妻曰貞夫人淑夫人天下豈有是乎既名大夫則
宜用大夫之禮乘輅軒奈小宰與諸大夫齒可也如不
可然大夫之名不可假也雜職任者宜自道德即直陞
為折衝將軍一品二品亦設將軍之名以待此輩然後
名器始尊今乃曰察訪別坐惟許士族僉知同知通於
下賤豈當於理乎 國制從四品以上階曰大夫正五
品以下階曰郎官若其大級則判書為上大夫叅判為
中大夫叅議為下大夫三品四品為上士五品六品為
中士七品至九品為下士今欲使出粟賑民者受賞則
五十石以上授叅奉百石以上授奉事二百石以上授

直長三百以上授主簿邈而上之至正五品通德郎石
而極焉其職則至僉正從四品判官從五品主簿別提而極
焉但令入闕謝恩乘駟掃墳死而書銘葬而題主下及
玄孫得免軍役則應募者亦多矣何必以大夫夫人之
名假之乎

嘉慶十四年己巳六月二十日左議政金載瓚所啓荒
年勸分古也自春秋時已有之所謂勸分勸民積粟者
使之私分饑民者也朱子在南康歲值大饑諭民出粟
請于朝各補卽階依格推賞蓋民有賑饑之功朝施拜
爵之賞自朱子始焉先朝壬癸之荒抄應募補賑之

人或授特賞或直除宿衛之職此古者勸分之意而朱
子南康時遺制也是爭先納穀而全活甚多若非殊以
賞民無以勸此所以恩資濫銜亦無所靳施者也今亦
用壬癸之例使被災之邑先使曉諭俾各興起以為補
賑之意竹會四都道臣若或因是而強其不願則是勸
分也勸分之弊責在守令此則嚴飭無至犯科之意並
為分付何如上曰依為之勸分則反不如不分以此
意各別申飭可也

辛棄疾帥湖南賑濟榜文抵用八字曰劫未者斬閉糶
者配○丘濬曰朱子謂棄疾做兩榜便亂道蓋荒歉之

年民間閉糶固是不仁然此際米價翔涌正小人財利之時也而必閉之者彼亦自量其家口衆多恐嗣歲之不繼耳彼有何罪必先諭之以惠鄰開之以積福許其隨時取直民之無力者官予之券許其取息待熟之後官為追償若彼僅僅自足亦不可強也然亦嚴為之限凡有所積不肯發者非至豐穰禁不許出糶彼見得利恐其後時自許其餘亦不能以不發矣

陳良器知江州大饑且疫公為具糲粥醫藥不足則取廬山諸佛寺餘財以饋之所活以萬數○案趙抃在越州其勸分及於僧道陳公又為是矣吾東亦有此例

仁人之為賑也哀之而已自他流者受之自我流者留之無此疆爾界也

周禮大司徒大荒大札則令邦國移民通財

鄭云移民避災就賤

其不可以輸之穀舍禁弛力薄征緩刑○地官廩人以歲之上

下數邦用若食不能人二鬴則令邦國移民就穀○鑪案移民本先王之法今人但讀孟子已自兇時但知移民移粟為梁惠王之淺術故移民之法遂不講也今之為監司者每他路大饑飭其邊邑毋納流民家蒙經之害一至是也凡賑恤之政者宜以富公青州之事建立令條

富弼被謗出知青州河朔大水饑民流東京擇所部豐稔者勸民出粟得十萬斛益以官廩隨所在貯之得公私廬舍十餘萬區散處其人以便薪水官吏皆書其勞約為奏請他日得受賞於朝率五日以酒肉勞之流民死者為大塚葬之謂之荒塚有勸弼非所以處疑弼謗禍恐不測弼曰吾豈以一身易此六七十萬人之命哉卒行之愈力○邵伯溫曰富鄭公使虜功甚偉而每不自以為功至知青州活饑民五十餘萬則每自言之曰過於作中書二十四考矣 案此時青州稔而河朔饑富公所賑皆河朔之流民也

葉夢得在許昌值大水災傷京西浮殍自唐鄧八境不可勝計今盡發常平所貯賑之全活十萬餘人○案此亦流民非本地之民也

王竑巡撫兩淮諸郡時徐淮大饑竑至盡所以救荒之術既而山東河南流民猝至竑不待奏發廣運倉官備賑之近者日餉以粥遠者量散以米流徙者給米以為道食被鬻者贖其人以還其家共用米一百六十餘萬石全活數百萬人擇醫四十人空廩六十楹處流民之病者死者給以棺為叢墳窮晝夜渴精慮事事窮理有所委任必委曲戎諭出於至誠人人為盡力或述其行

事為救荒錄世傳焉○案主竝所益者兩淮而山東河南之民來此受賑中國之法自古然矣其以鄰境之民視如他國之民吾東之失矣

李判書奎齡為安東府使歲大侵賑場計口給量民或有增口而濫受者祿吏請抄汰之公曰與其抄汰而令窮餓者或漏寧吾受欺於民時朝家令郡邑毋得受流民公曰盡吾民何分彼此於是一境無餓死者方伯御史相繼褒聞 賜表裏

司馬光曰京師之米有限河北之流民無窮莫若擇公正之人為監司使察灾傷州縣守宰不勝任者易之各

使賑濟本州縣之民則飢民有可生之路豈得復有流移 丘濬曰人生莫不戀土非甚不得已不肯舍而之他也苟有可以延性命度朝夕孰肯捐家業棄墳墓扶老携幼而為流浪之人哉不幸畜積無素連歲荒歉請之官無可發勸之民無可貸乞諸鄰無可應將視其民坐守枵腹以待斃乎無亦聽其隨處趨食而求生也然 是時也赤地千里青草不生肆市無可糴之米旅店無 充饑之食民之流者未必至所底止而多為塗中之殍 矣宜量其遠近多寡或移民以就粟或轉粟以就民而 已○案若如溫公之言則賑濟之法吾東是矣但既流

之民拒而不受或設小廠畧收數百口不旬日而盡危
委之溝壑則大不可矣

肅宗癸未李寅燁奏曰都城流丐皆自諸路舉家流徙
非一二人轉乞之比其中亦有萎黃近死者臣諭之曰
諸道皆已設賑自京又移轉穀物若還本土庶有生道
流離失所不卽還歸則終不免填壑且春耕已迫宜歸
事東作如欲還歸當計程給糧於是願歸者頗多計給
糧未知幾人果能還歸厥後繼屬而至其在王政不可
忽視而從前設粥終無实效群處衆聚熏染成疾故今
春不復設粥流民無所控訴仰哺於京師亦不可無接

其

濟臣意抄其壯實者給糧還送使其本色給種作農老
弱差人分屬使之監賑似勝於設粥或分送於郊外畿
邑自京倉計日給糧時送京官摘奸庶不至顛連道路
矣副提學金鎮圭獨陳其不可上竟從寅燁議○臣
謹案此是京城故受此流民外州無此法也

今之流民往無所敢惟意惻怛勸諭俾勿輕動
朱子在南康軍勸諭流亡文曰本軍日前災傷人戶多
致流離一維鄉土道路艱辛往往失所甚者橫有死亡
拋下墳墓田園屋宇無人為主一向狼藉至今遺跡尚
有存者詢問來歷令人痛心況今淮南湖北等路亦不

甚熟捨此徃彼等是饑餓有所何益今勸人戶各體卹
縣多方救恤之意抑俟朝廷非寬大之恩各其安心著
業更切祈禱神明車庠水漿救取見存些少禾穀依限
陳訴所傷田段頃畝聽候官司減放稅租賑濟米斛不
可容易流移別致後悔○鑄案朱子此文惻怛溫諄情
見于辭凡遇饑年牧宜榜諭如此俾民勿動
朱子禁旅店不許違傳帖云訪問管下旅店遇有單獨
困病或流移之人到店慮其死亡更不容留遂行違傳
驅逐出界因此喪命合行下諸縣多印榜文於旅店約
束遇有過任單獨饑餓困病之人卽仰所到店戶不得

違傳扛擡送出外界許就便米場驗實量給口食臨安
痊日遣去萬一有死亡之人卽時報都係審實申縣行
下如法埋葬○鑄案中國之法凡流離之民賑恤與居
民同故此等之人許就米場吾東一為流丐有死而已
牧宜申諭村里凡遇此人押赴八縣付之流乞廠方可
曰仁牧也其或死迫呼吸者申飭所到勉行慈恤
賑有二觀一曰及期二曰有模救焚拯溺其可以玩機乎
取衆平物其可以無模乎

水災雖酷禍止水沿風霜蟲雹亦未必為普天之災惟
大旱焦山千里同然舉國同饑無以措手宜自立秋之

日火速經紀爭時競刻赴機趨利如鷲鳥猛獸之發然
後其設施錯置方有頭緒不可忽也

趙忭和知越州熙寧八年夏吳越大旱趙公前民之未
饑為書問屬縣苗所被者幾鄉民能自食者有幾當廩於

官者幾人欲振溝防構等可餽民使治之者幾所欲興
庫錢倉粟可發者幾何欲振富人可募出粟者幾家欲勸

分僧道士食之羨粟書於籍其幾具存使各書以對而
謹其備 州縣吏錄民之孤老疾弱不能自食者二萬

一千九百餘人以告故事歲廩窮人當給粟三千石而
止合歛富人貯輸及僧道士食之羨者得粟四萬八千

餘石佐其費○自十月朔人受粟日一升幼少半之憂
其眾相蹂也使受粟者男女異日而人受二日之食憂
其且流亡也於城市郊野為給粟之所凡五十有七使
各以便受之而告以去其家者勿給○取吏之不在職
而寓於境者給其食而任以事不能者○告富人無得
閉糶又為之出官粟得五萬二千餘石平其價予民○
為糶粟之所凡十有八使糶者自便如受粟○又餽民
完城四千一百丈為工三萬八千計其傭與錢○又與
粟再倍之民取息錢者告富人縱予之而待熟官為責
其償○棄男女者使人得收養之○明年春大疫為病

坊處疾病之無歸者募僧二人屬以視醫藥飲食令無
失時凡死者使在處隨收瘞之○法原窮人盡三月當
止是歲盡五月止○事有上請者或便宜多輒行公於
此時蚤夜憊心力不少懈事巨細必躬親給病者藥食
多出私錢州曾南豐趙○案趙公救蓄之法一曰興役二
曰發倉財即散三曰募粟分即初四曰募僧粟分亦初五曰別
男女六曰收棄兒七曰養病八曰瘞死而中國賑法原
有兩項一是賑餼亦名曰一是賑糶與錢而故曰給粟
之可五十有七糶粟之可十有八朱子賑恤條件亦分
兩樣吾東之法只有賑餼本無賑糶又凡賑場一縣只

有一町皆不如中國之法唯京城之內具有兩項其設
場不過一二處也○凡賑恤宜至芒種麥出之日中國
之法皆以三月為限吾東亦自四月以次收斂民食菜
蔬益以病死未可曰卒惠也○按越州饑民必不止二
萬餘人恐傳寫有誤

洪皓為秀州司錄事大水流冗塞路公悉籍境內粟留
一年粟發其餘糶於城之四隅并捐市直錢五一分減五分
戎米肆揭價於青白旗上巡行無時扶其旗靡者皆無
敢貴糶○其不能自食者立屋於東南西廢寺十人一
室男女異處防其淆偽涅黑子識其手東五之南三之

負爨樵汲有載民羸不可杖有侵年鬪囂者亂其手文
逐之皆帖帖畏服廉訪使者王孝竭至曰平生氣節斷
饑者芻午此獨無有何也卽迨公如兩寺驗視民肅然
無出拜孝竭嗟歎不已前後所活者九萬五千餘人公
出無不以手加額號為洪佛子○案此上卽卽賑糶下
卽卽賑籛也大抵洪皓之法其異於人者一曰揭旗二
曰涅文三曰別男女當事者或有取焉

林希元嘉靖八年上荒政叢言救荒有二難得人難審
戶難有三便極貧民便賑米次貧民便賑錢稍貧民便
賑貸有六急垂死貧民急飭粥疾病貧民急醫藥起死
貧民急湯水既死貧民急墓瘞遺棄小兒急收養輕重
繫囚急寬恤有三權借官錢以糶糶興功作以助賑貸
牛種以通變有六禁禁侵漁攘盜禁過糶禁抑借禁宰
牛禁度僧有三戒戒遲緩戒拘文戒遣使○案此諸條
要切中窾凡遇賑事收宜書之壁上朝夕觀者惟忌遣
使壹語其在吾東為不宜也 國法大饑之年必遣監
賑御史百姓賴焉己巳甲戌之年御史不來守令無忌
賑不如法經年之後御史始來吏雖少懲既死之民不
可生矣

屠隆鴻乞有荒政三十條其略曰聚濟不如散濟零濟

不如頓濟熱氣熏蒸疾疹易作群居露宿棲泊無所為
害不淺必也委賢能僚屬及鄉官之良富民之有德行
者分頭給散而正官為之總管勾稽可也○吾東勸分
之法使居遠之富民納其餘錢富民糶其家粟以錢輸
邑官受錢買粟以待饑民則饑民在富民之鄰比者赴
邑領賑其迂回崎嶇如此曷若多設賑場於外村使富
民直輸其粟使饑民各就賑場乎屠隆所謂聚濟不如
散濟者此之謂也

君夫賑糶之法 國典所無縣令有私糶之米亦可行也
文潞公在成都米價騰貴因就近院凡十八處減價糶

賣仍不限其數張榜通衢翌日米價遂減前此或限勝
斛以糶或抑市井價直適足以增其氣焰而終不能平
其價大抵臨事當須有術也○案勝斛者升斗也中國
史文升斗石改之為勝斛碩如一二三改之為壹貳叁
畝以防奸也

張詠守蜀季春糶粟米其價比時依三之一以濟貧民
凡十戶為一保一保一保皆坐不得糶民以此少
敢犯法

李仲芳通判冀州遭歲饑悉出庾粟以貸民且曰豐而
收諸庾是化吾朽積而為新乃兩利也後歲果豐民德

非

君粟散諸庾無後者賴以活者數十萬家

王奮為吳郡內史年大饑出私財為百姓饘粥全活甚多○虞潭為南康內史時年荒潭乃出私米二千七百斛振其餘弊

國朝倉廩之制余嘗考檢凡還穀創設之初莫不以賑濟為名而常時委置盡故吏通弊遇凶年府庫枵然誅之則不可勝誅遂以數百苞塵土之粟割付縣令使濟數萬口毀屎之民縣令何以溲矣若平日之有私糶則唯有束手而立視之而已豈不嗟哉故年穀豐登私糶不可已也

設其賑場小縣宜止一二處大州須至十餘處乃古法也

其設十餘處者或就外倉或就山寺或取富人之私莊

或設賑場受錢而賣米或設饑場無價而糶米方是古法我邦之

法以分還即還代糶非縣令所得擅也然縣令自出錢

辦米數千石以設糶場取其贏羨以補篋資夫熟曰不

可哉

朱子三縣置場帖云星子縣置場七處都昌縣置場十

一處建昌縣置場一十七處○鏞案吾東賑法雖大州

大郡惟於府中開場其或有外倉者乃設外場大不便

也鵠形菜色於瀕欲倒之民將何以遠赴內場以望其

并斗之荒粟武凡大邑地廣者宜請上司頒至八九處
開場縣令巡行監賑乃可濟也

滕元發知鄆州歲饑乞淮南米二十萬石為備時淮南
京東大饑元發召城中富民與約曰流民且至無以處
之則疾疫起併及汝矣吾得城外廢營地欲為廣屋以
待之民曰諾為屋二千五百間一夕而成流民至以次
授地井竈用皆具以兵法部勒少者炊壯者樵婦女
汲老者休民至如故上遣工部郎中王右按視廬舍道
巷引繩綦布肅然如營陳右大驚圖上其事有詔褒美
蓋活五萬人云○賑場二千五百間大規模也部勒如

兵法明分數也

吳遵路知通州歲饑遵路建茅屋百間以處流移出俸
錢置薦席鹽蔬日與飯參俵有疾者急藥以治之其願
飲其酒饋食還之本土是歲諸郡幸多轉死惟通民晏
堵不知其凶歲也○茅屋百間亦非少縣所能辦為監司
者苟以接濟他道之民為心則庶乎其為此矣

王致遠知慈谿縣嘉熙庚子浙東大饑死殍成丘致遠
請邑賢士大夫分僧寺置局為粥以食饑者始日食千
人既而鄰民至日至八千人已俸不足復詣臺借助
勸巨室出米以饋之迨麥熟始罷尋置居養院給薪米

以處老弱之無故者置慈幼以活嬰孩之委棄者病院
興醫藥危為殮埋山谷窮民感恩流涕稱為王佛僧
寺置局故有例也麥熟之後又置養流院慈幼院斯為
難矣

高麗賑恤之法設東西大悲院濟危舖以養疾病國
朝寶鑑世祖二年大饑令諸邑列置賑濟場京中宜
分送東西活人院但慮貧民惡與病人雜處可於普濟
弘濟利恭院三處別置賑濟場差人監場又令五部官
吏輪日往來檢察違者罪科顯宗八年闕東西流民
八京師飢病者數千人令漢城府分置東西活人署給

糧救療○臣謹案京城民戶雖多東西賑院皆不出五
里故但置數院飢民亦足就哺郡縣民戶雖少外村距
邑或近百里不可不散置賑院使飢民無遠赴之苦也
李士亭之遂為縣令袞流民弊衣乞食為作巨室以舖
之誨之以手業無不面諭耳提各周其衣食其中最無
能者與之禾索使作索鞋董其役一日能成十對販之
一日之功無不辦米斗推其剝以成其衣數月之間衣
食俱足○案此卽是豐歲之流民也

